

VENDIM
Nr.857, datë 5.8.2009

**PËR HAPJEN, NË QYTETIN E PESHKOPIË, TË FILIALEVE DHE TË
PROGRAMEVE TË STUDIMEVE, TË FAKULTETEVE TË EKONOMISË E TË
ADMINISTRIMIT, TË EDUKIMIT DHE TË SHKOLLËS SË LARTË PROFESIONALE,
TË UNIVERSITETIT “ALEKSANDËR MOISIU”, DURRËS, SI DHE PËR MIRATIMIN
E KUOTAVE TË PRANIMIT E TË TARIFËS SË SHKOLLIMIT NË KËTO
PROGRAME STUDIMI, NË VITIN AKADEMIK 2009-2010**

Në mbështetje të nenit 100 të Kushtetutës dhe të neneve 8, pika 1, 11, pika 2, shkronja “b”, 26, 33, 42 e 75 të ligjit nr.9741, datë 21.5.2007 “Për arsimin e lartë në Republikën e Shqipërisë”, të ndryshuar, me propozimin e Ministrit të Arsimit dhe Shkencës, Këshilli i Ministrave

VENDOSI:

1. Hapjen, në qytetin e Peshkopisë, të filialeve të Fakulteteve të ekonomisë e të administrimit, të edukimit dhe të shkollës së lartë profesionale, të universitetit “Aleksandër Moisiu”, Durrës.

2. Filiali i Fakultetit të Ekonomisë dhe të Administrimit do të ofrojë programet e studimit të ciklit të parë, në:

a) “Shkenca të Administrimit”, me profil “Financë-Kontabilitet”, në përfundim të të cilit lëshohet “Diplomë e nivelit të parë (DNP)”, në Shkenca të Administrimit, me profil Financë-Kontabilitet;

b) “Shkenca të Administrimit”, me profil “Financë-Bankë”, në përfundim të të cilit lëshohet “Diplomë e nivelit të parë (DNP)”, në Shkenca të Administrimit, me profil Financë-Bankë;

c) “Shkenca të Administrimit”, me profil “Menaxhim marketing”, në përfundim të të cilit lëshohet “Diplomë e nivelit të parë (DNP)”, në Shkenca të Administrimit, me profil Menaxhim- marketing;

ç) “Shkenca të Administrimit”, me profil “Administrim biznesi”, në përfundim të të cilit lëshohet “Diplomë e nivelit të parë (DNP)”, në Shkenca të Administrimit, me profil Administrim biznesi.

3. Filiali i Fakultetit të Edukimit do të ofrojë programet e studimit të ciklit të parë, në:

a) Mësuesi, dega “Matematikë-Fizikë”, në përfundim të të cilit lëshohet “Diplomë e nivelit të parë (DNP)”, në Mësuesi, në Matematikë-Fizikë;

b) Mësuesi, dega “Matematikë-Informatikë”, në përfundim të të cilit lëshohet “Diplomë e nivelit të parë (DNP)”, në Mësuesi, në Matematikë-Informatikë;

c) Mësuesi, dega “Informatikë-Anglisht”, në përfundim të të cilit lëshohet “Diplomë e nivelit të parë (DNP)”, në Mësuesi, në Informatikë-Anglisht;

ç) Mësuesi, dega “Gjuhë-Letërsi-Anglisht”, në përfundim të të cilit lëshohet “Diplomë e nivelit të parë (DNP)”, në Mësuesi, në Gjuhë-Letërsi-Anglisht;

d) Mësuesi, dega “Biologji-Kimi”, në përfundim të të cilit lëshohet “Diplomë e nivelit të parë (DNP)”, në Mësuesi, në Biologji-Kimi;

dh) Mësuesi dega “Psikologji-Sociologji”, në përfundim të të cilit lëshohet “Diplomë e nivelit të parë (DNP)”, në Mësuesi, në Psikologji-Sociologji;

e) “Proceset e formimit”, në përfundim të të cilit lëshohet “Diplomë e nivelit të parë (DNP)”, në Mësuesi, në “Proceset e formimit”.

4. Filiali i Shkollës së Lartë Profesionale do të ofrojë programet e studimit, në:

a) “Infermieri të Përgjithshme”, në përfundim të të cilit lëshohet “Diplomë e nivelit të

parë (DNP)”, në Infermieri të Përgjithshme;

b) “Drejtësi”, me profil “Asistencë ligjore”, në përfundim të të cilit lëshohet “Diplomë jouniversitare në Drejtësi”, me profil asistencë ligjore;

c) “Informatikë”, me profil “Rrjete kompjuterike”, në përfundim të të cilit lëshohet “Diplomë jouniversitare në Informatikë”, në rrjete kompjuterike.

5. Programet e studimit të ciklit të parë, në filialet e Fakultetit të Ekonomisë e të Administrimit dhe të Edukimit, në qytetin e Peshkopisë, përcaktuar në pikat 2, 3 e 4, shkronja “a”, realizohen me 180 kredite ECTS dhe kohëzgjatja normale e tyre është tri vite akademike.

6. Programet e studimit të ciklit të parë, në filialin e Shkollës së Lartë Profesionale, përcaktuar në shkronjat “b” e “c”, të pikës 4, realizohen me 120 kredite ECTS dhe kohëzgjatja normale e tyre është dy vite akademike.

7. Këto programe studimi do ta fillojnë veprimtarinë mësimore në vitin akademik 2009-2010.

8. Numri i kuotave të pranimeve, në këto programe studimi, me kohë të plotë, për vitin akademik 2009-2010, është, sipas tabelës nr.1, që i bashkëlidhet këtij vendimi.

9. Tarifa vjetore e shkollimit për studentët, që regjistrohen në vitin e parë, në këto programe studimi, me kohë të plotë, në vitin akademik 2009-2010, është 10 000 (dhjetë mijë) lekë.

10. Efektet financiare, që rrjedhin nga zbatimi i këtij vendimi, të përballohen nga buxheti i universitetit “Aleksandër Moisiu”, Durrës.

11. Ngarkohen Ministria e Arsimit dhe Shkencës dhe universiteti “Aleksandër Moisiu”, Durrës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

TABELA E KUOTAVE TË PROGRAMEVE TË STUDIMIT NË FILIALET E
UNIVERSITETIT “ALEKSANDËR MOISIU” TË DURRËSIT NË QYTETIN E PESHKOPISË,
VITI AKADEMIK 2009-2010

Tabelë nr.1

Nr.	Programi i studimit DNP	Kuota
1	Shkenca të administrimit	40
2	Mësuesi	90
3	Proceset e formimit	15
4	Infermieri e përgjithshme	20
	Programi i studimit jouniversitar	
1	Drejtësi (Asistencë Ligjore)	20
2	Informatikë (Rrjete kompjuterike)	20
	Gjithsej	205